



ELEKTROPRIJENOS BIH ЕЛЕКТРОПРЕНОС БИХ

Broj: JN-OP-801-29/2024

Datum: 17-09-2025

PREDMET: Pojašnjenje tenderske dokumentacije

U sjedištu Ugovornog organa dana 11.09.2025. godine pod brojem protokola: JN-OP-801-24/2024 i pod brojem protokola JN-OP-801-25/2024 zaprimljeni su Zahtjevi za pojašnjenje tenderske dokumentacije, broj: JN-OP-801-6/2024 u postupku javne nabavke (Nabavka Rekonstrukcije TS 110/x kV Goražde 1), dostavljeni od strane privrednih subjekata (Energoinvest d.d. – Sarajevo i Deling d.o.o.), u kojima se traže sljedeća pojašnjenja:

Pitanje 1: (Energoinvest d.d. – Sarajevo, 11.09.2025.)

U TD dijelu 17. Sadržaj ponude, 7.2 Tehnička dokumentacija ponuđene opreme: c) Mjerni transformatori 110 kV, navedeno je da se traži c2) Potvrda proizvođača mjernih transformatora o zahtijevanom kvalitetu izolacionog ulja. Molimo da potvrdite da je dovoljna potvrda ovlaštene laboratorije za ispitivanje ulja.

Pitanje 2: (Deling d.o.o., 11.09.2025.)

Stavka 4. Jednopolni 35 kV 1250 A rastavljač za vezu sa niskoomskim otpornikom, tražili ste statičke sile naprezanja 600 N. Da li je prihvatljiva vrijednost statičke sile naprezanja u iznosu od 500 N ?

Pitanje 3: (Deling d.o.o., 11.09.2025.)

U tenderskoj dokumentaciji je navedeno: D.10 SN postrojenje, stavka 4: Čelija za podužno rastavljanje (spojna čelija) 12(24) kV za unutrašnju montažu sa zaštitno – upravljačkim uređajem te stavka 4.1: Mjerna čelija 12(24) kV za unutrašnju montažu u sklopu čelije za podužno rastavljanje iz tačke 4. sa zaštitno – upravljačkim uređajem. S obzirom na to da je u tenderskoj dokumentaciji traženo spajanje dva sistema sabirnica putem spojnog mosta, metalom oklopljen, zrakom izolovan za vezu između sabirnica 12(24) kV, molimo Vas da se jednopolna shema ispravi na način da odgovara tabelama tehničkih specifikacija. Odnosno, na jednopolnoj shemi je ucrtana mjerna čelija sa desne strane "Čelije za podužno rastavljanje sa prekidačem (spojna čelija) 12(24) kV za unutrašnju montažu sa zaštitno – upravljačkim uređajem", a u tabelama tehničkih specifikacija navedena je "Mjerna čelija 12(24) kV za unutrašnju montažu u sklopu čelije za podužno rastavljanje sa zaštitno – upravljačkim uređajem".

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

Odgovor 1:

U TD, poglavlje 17. Sadržaj ponude, na str.16/415 u pasusu c) Mjerni transformatori 110 kV, u tački c4) stoji da je Ponuđač obavezan uz ponudu dostaviti potvrdu proizvođača mjernih transformatora o zahtjevanoj kvaliteti izolacionog ulja. U slučaju da ponuđač ne raspolaže traženom potvrdom proizvođača mjernih transformatora, prihvatljivim smatramo dostavu potvrde izdate od strane ovlaštene laboratorije za ispitivanje ulja kojom se potvrđuje da rezultati ispitivanja izolacionog ulja zadovoljavaju zahtjeve definirane TD. U predmetnoj potvrdi treba biti naveden proizvođač izolacionog ulja, tip ispitivanog ulja, rezultati ispitivanja sa definiranim dozvoljenim odstupanjima, kao i podatak koji se odnosi na proizvođača mjernih transformatora za čije potrebe je izvršeno ispitivanje kvaliteta izolacionog ulja.

Odgovor 2:

Ostajemo pri zahtjevu definiranom TD u tački D.3 Rastavljači 123 kV, 72,5 kV i 35 kV, Stavka 4. Jednopolni 35 kV 1250 A rastavljač za vezu sa niskoomskim otpornikom, pozicija 15. u tabeli na str.131/415, u okviru kojeg je iskazan zahtjev: Sile naprezanja na priključcima: statičko naprezanje ≥ 600 N.

Odgovor 3:

Vezano za TD poglavlje D.10 SN postrojenje 12(24) kV i način na koji su definirani zahtjevi za SN ćelije:

- Broj stavke 4. Ćelija za podužno rastavljanje (spojna ćelija) 12(24) kV za unutrašnju montažu sa zaštitno - upravljačkim uređajem – 1 kom;
- Broj stavke 4.1 Mjerna ćelija 12(24) kV za unutrašnju montažu u sklopu ćelije za podužno rastavljanje iz tačke 4. sa zaštitno upravljačkim - uređajem – 1 kom;

ukazujemo na činjenicu da je tekstualnim opisom predhodno pomenutih ćelija iskazan zahtjev Elektroprenosa BiH da pomenute dvije ćelije u okviru novog dijela postrojenja 12(24) kV predviđenog za nabavku, budu montirane jedna uz drugu na način koji je prikazan principijelnom Jednopolnom šemom koja je sastavni dio Projektnog zadatka i TD.

Ostajemo pri zahtjevu da ćelija pod stavkom br.4.1 treba biti montirana isključivo sa desne strane ćelije definirane pod stavkom broj 4. – veza Jednopolna šema, iz razloga postojanja ograničenja uslovljenih građevinskom izvedbom postojeće pogonske prostorije predviđene za ugradnju novog dijela 12(24) kV postrojenja, pri čemu prije svega mislimo na postojanje stubova unutar pogonske prostorije koji su odredili dispoziciju novog SN postrojenja, razmještaj ćelija unutar istog i poziciju spojnog mosta za povezivanje novog SN postrojenja sa postojećim SN postrojenjem.

Uvažavajući predhodno navedeno, mišljenja smo da ne postoji potreba za izmjenom Jednopolne šeme, obzirom da tekstualni opis ćelija definiranih pod stavkama br.4 i br.4.1, Jednopolna šema postrojenja koja je prilog Projektnog zadatka i TD u cjelini daju dovoljan nivo podataka u svrhu razumijevanja tehničkih zahtjeva vezanih za izvedbu novog postrojenja koje je predmet nabavke.

S poštovanjem,

Predsjednik Komisije
za JN-OP-801/2024

Dubravka Livnjak

Dubravka Livnjak